



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**La Vie, Et Miracles Admirables De S. Noitbvrge Fille de  
Pepin Herystal, & de S. Plectrvde Noble Tige des  
Serenissimes Maisons de Lorraine & de Bauieres**

**Cologne, 1642**

Chap. XIII. De l'Antiquité de l'Eglise de sainte Noitburge, & si elle a esté  
consacree par S. Materne premier Euesque de Cologne.

**urn:nbn:de:hbz:466:1-44944**

## CHAP. XIII.

*De l'Antiquité de l'Eglise de sainte  
Noitburge, & si elle a esté con-  
sacree par S. Materne premier  
Euesque de Cologne.*

**I**L est hors de doute que l'eglise (autre fois de S. Pierre maintenant appelée S. Noidburge) ne soit tres ancienne puis qu'elle estoit long temps auparauant le decès de ladicte Sainte, qui mourut enuiron l'An de nostre Seigneur 714. mais si elle a esté bastie & consacrée par S. Materne, ainsi que la plus part du peuple le croit, il est fort malaise d'en iuger, ie vous rapporteray ce que i'en trouue dans les histoires & puis vous en direz ce qu'il vous plaira. Et pour prédre l'affaire en sa source. Vous scaurez que S. Pierre apres auoir siegé 7. ans en Antioche, ou les fidelles furent premierement appelez Chrestiens, il se transporta à Rome l'an de nostre Seigneur 44. le second de Claude Empe-  
neur, ainsy qu'escriuent Tertullian en

son Apologetique, S. Augustin au liure  
des Heresies, S. Hierosme Traicté des  
Escriuains Ecclesiastiques, Eusebe &  
Sigibert traicté des hommes illustres,  
& auant eux S. Ignace Epistre premiere  
au peuple d' Antioche. Or S. Pierre l'an  
8. de son siege à Rome, de nostre Seig-  
neur le 54. ainsi qu'escrit Marianus  
Scotus liu. 2. de ses Chroniques enuoya  
les sain&s Euchaire Euesque, Valere  
Diacre, & Materne Soubdiacre en l'Al-  
lemagne inferieure pour y prescher l'E-  
uangile, & comme ils furent arrivés à  
Schletstat, au rapport de Wilmius S.  
Materne y mourut d'une fiebure, ce qui  
obligea ses Compagnons de retourner à  
Rome fort affligés du decès de S. Ma-  
terne. S. Pierre les consola & r'enuoya  
promptement à Schletstat avec son ba-  
ston pastoral, les asseurant que leur  
Compagnon resusciteroit à l'instant  
quils l'auroint touché de ce baston, ce  
qui arriva S. Materne d'oc resuscité 40.  
iours apres sa mort, comme escriuent

Harigerus, Anselme & Gilles dorual, anciens Chroniqueurs, & voila S. Materne resuscité pour la seconde fois (si rât est qu'il fut le fils de la vefue de Naim en S. Luc 7. comme Canisius le croit en son Martyrologe, Eckius, Demochares & Placentius.) Ce miracle fait, les trois Saincts pousuyent leur voyage & arriuent à Treues, ou S. Euchaire tient son frige Episcopal iusques à l'an de nostre Seigneur 75, auquel succeda S. Valere, qui l'an de nostre Seigneur 90. & le dernier de sa vie ordonna Prestre S. Materne, & le laissa son Successeur en l'Euesché, Harigerus & Gillesdorual. Le bõ Sainct qui auoit vn cœur aussi grand, que tout le monde, ne se contentant pas seulement de confirmer les Chrestiens, que ses Predecesseurs auoint fait en leur Diocese, il descédit le lóg de la Moselle & du Rhin, pour chrestienner les peuples, qui habitoient ces contrées: ce qu'il fit heureusement, en fin il arriua à Cologne, ou il trouua quantité de Chre-

Chrestiens, que S. Cressant Disciple de S. Pierre auoit peu auparauant acquis à Iesus Christ, c'est ce qu'en dict Rupere Abbé de Duitz. Et nous voici au neu de l'affaire. Or S. Materne disent les Auteurs susnommes, arriué, qu'il fut à Cologne demolit quantite de Temples & de lieux prophanes, ou les gentils adoroient le Diable soub diuers noms de faulx Dieu, entre lesquels le plus renommé estoit celuy de Mars pres du Capitole, & au lieu de ces mosquees il bastit des belles Eglises, & grand nombre d'oratoires. La premiere de ces Eglises fut celle qu'il dedia & consacra au nom du Sauueur aujourdhuy S. Cecile, la seconde fut celle de S. Pierre, qu'on nomme maintenant l'Eglise des saints Victor & Mathias. Voicy comme en parle Marianus Scotus liure deusieme du voyage de S. Pierre, S. Materne ayant abbatu l'Idole de Mars que les gentils adoroient aupres du Capitole & plusieurs autres Temples des Dieux, il bastit  
deux

deux Eglises principales & plusieurs O-  
ratoires à la premiere de ces Eglises il fit  
porter le nom du Sauueur & aujour-  
dhuy on la nomme S. Cecile, l'autre  
qu'il intula de S. Pierre maintenant S. Vi-  
ctor & Mathias. Raisonnons s'il vous  
plait, & voyons si nous ne pouuons pas  
dire avec raisõ, que l'Eglise aujourdhuy  
de S. Noitburge est celle qui fut bastie  
par S. Materne en l'honneur de S. Pierre:  
Ce sainct Euesque detruisit le tẽple de  
Mars, qui estoit pres du Capitolle & ba-  
stit en sa place l'Eglise de S. Pierre, disoit  
tantost Marianus Scotus. Or il ny a pas  
vne Eglise pres du Capitole, que celle  
qu'on nomme aujourdhuy S. Noitbur-  
ge, les autres Eglises & nommement  
celle de S. Victor & Mathias, sont fort  
esloignees du Capitole, dou ie dis qu'il  
faut conclure, que si l'Eglise de S. Pierre  
bastie par S. Materne est en la place ou  
estoit l'Idole de Mars infailliblemẽt  
c'est celle qu'on appelle aujourdhuy S.  
Noitburge, de l'assurer, ie ne le feray pas  
pour

pour le respect que ie porte aux au-  
theurs susnommés, mais ie ne feray au-  
cune difficulté de dire, que l'Eglise, à  
present de Sainte Noitburge, est au  
moins vn de ces Oratoires, que les histo-  
riens disent auoir esté bastis à Cologne  
par S. Materne, & ainsi elle est ancien-  
ne de 1540. ans & plus: saint Materne  
estant mort l'an de nostre Seigneur 730.  
apres auoir esté Euesque de Cologne  
par l'espace de 40. ans, c'est ce qu'en dit  
Harigerus Abbé de Laube, qui viuoit  
l'an 1190: Et à raison de cette antiquité,  
l'Eglise de S. Noitburge doit elle pas e-  
stre extremement venerable? vne Idole  
de Iupiter, ou de Mars, qui par hasard,  
ou autrement sera arriuée es mains d'vn  
Seigneur. Il en fera vne piece de Cabi-  
net. Vne medaille de Romulus, de Tar-  
quinius, de Iules Cæsar, ou de quel-  
qu'vn des Empereur payens: quel estat  
n'en fait on pas? & cette Eglise vne  
des plus anciennes de la Chrestienté  
lieu si saint pour les miracles signalés.

qui

qui sy sont faits : & on conserue avec tant de soing vne bague , vn vase d'argent , ou outre chose qui vient des Aieuls, & cete Eglise, qui est vn des pretieux Ioyaux que nos Peres grands ont laissé pour memoire de leur pieté sera en moindre consideration qu'vne bague de dix escus? mais qui y que ce soit de l'antiquité de cete Eglise, il est assure que elle fust dedié, premierement soub le nō de S. Pierre, les manuscrits & les traditions en font foy, du depuis elle changea de nom , & fust appellée l'Eglise de S. Noitburge, à raison du miracle signalé , que Dieu fit à la veue du peuple pour honorer S. Noitburge, & la declarer sainte; le miracle dy ie de l'homme resuscité, vous l'avez au chapitre præcedent: & en suite de ce premier plusieurs autres grands miracles se firent par vn long espace de temps quels? les historiens les laissent à noz pensees, ils disent seulement en general, que les miracles frequents, qui se faiso

tin



int de toute sorte par l'intercession de  
saincte Noitburge aupres de son corps  
& sainctes reliques, estoit si grands,  
que les peuples accouroint de toute  
part, & peu s'é retournoit quine par-  
ticipassent aux benedictions & faueurs  
de nostre Saincte: ce qui porta S. Agilol-  
phus premier Archeuesque de Colog-  
ne: a changer le nom de l' Eglise qui e-  
stoit de S. Pierre en celuy de S. Noitbur-  
ge, & la faire reconnoistre pour saincte  
en tout s<sup>o</sup> Diocese. Iay dy deux choses,  
vne que S. Agilolphus fit reconnoist e  
Noitburge pour saincte, & la canoniza,  
de cecy plus amplement au chapitre  
suiuant, l'autre que S. Agilolphus est le  
premier Archeuesque de Cologne. Je  
parle apres le sçauant & venerable  
messir Gilles Gelene Licentié en  
Theologie Protonotaire Apostolique  
& Chanoine de S. André, en la vie de  
S. Angelbert, quil a enrichi de doctes  
remarques & tres curieuses recherches  
fort dignes d'estre leues, voyés ce qu'il  
en dit.

Cha-